



Rabu, 8 Juni 2022
Ogen: Masmur 23:1-4



"Tuhan Mpelimbarui Gegeh"



Lagu i bas KEE No.307 sumberna i bas kitab Masmur 23:1-4. Tuhan permakan si tuhu-tuhu si ngasup ncukupken kerina si jadi keperluanlunta amin gia mbue kiniseran geluh. Tapi kepeken labo terjeng e ngenca isikapken Dibata, berekenNa kuasa guna mpelimbarui gegehta seh maka ibabaiNa kita ku bas dalam si pinter (ayat 4). Kalak si nggit ipelimbarui tentuna kalak si nggit mereken diriNa guna ndalanken bagi si ngenca ateNa. Penungkenen man banta, me nggit kita ipelimbaruiNa segelah ndarat kita arah kelbung si gelap nari?

Lit belas-belas singatakenca *sungguh banyak jalan menuju Roma, tapi jalan kebenaran hanya satu yakni melalui Yesus*. Enda ngatakenca segelah kita tetap ngikutken dalam kebenaren e. Amin melala dalam mabai kesenangan versi doni enda, tapi selaku anak-anak Dibata siikutken dalam si tuhu-tuhu, sada dalam kebenaren e me erdalan ras Jesus. Geluhta e pe ipelimbaruiNa, gegehta e pe jadi serta i bas IA.

Tuhan mpelimbarui gegehta jadi bahan perenungenta i bas wari enda. Ipelimbarui berarti nggit kita nadingken biak-biak rikut ras perbahanen si lit bas kita secara doni sedekah enda. Arus lit pengorbanen, perjuangan, usaha i bas kita segelah ipelimbaruiNa. Labo nukah mereken diri guna ipelimbaruiNa, tapi adi nggit kita kuasaNa e nampati ras mereken gegeh man banta seh maka jadi erjorena kegeluhenta enda.

Ula mbiar, kalak si nggit ipelimbarui Dibata pasti ngenanami sada proses si erbanca ia ngkelengi kerna kegeluhenna, amin gia melala tantangan, hambaten, rikut ras kiniseran si reh nderpa, tapi i bas si e kerina Dibata pasti nampati. Ipelimbarui Dibata berarti siap dipakai, kapan saja asa gegeh ras kengasupenta pasti ndatken kegeluhen si jore. E maka, mari bereken dirinta man Dibata, segelah ipakeNa bagi sura-suraNa.

Berelah Dirinta tiap wari segelah ipelimbarui Dibata

